

Cansun dal Carlavèe d' Civareu dal 2004



Anca st'ann al Carlavèe
l'è rivà purtèe baldoria
e 'nca noi, prunt a rimèe,
suma qui cun na quai storia,
par parlèe d'la nôsta gent
e dal post j'aveniment.

E parcioè custa cansùn
bèn o mal suma da fèla
par pudei che 'n quaicadun
'l còra an pressa a cumprèla
e cundii cun la muneja
la paniccìa e par di seja.

Sbarlugiant ancià e 'n là
numa 'n cerca 'd marachelli
'ntal pais, o pussè 'n là
tutti culli pussè bèlli,
par saurii custa cansùn
salvant faccia e tradissiùn.

lèru frissi e 'ndiavulai
culli vacchi 'n po' 'd temp fà,
'dess gàlini e anca gài
l'influenza in ciapà.
Da stu pass la guma dura
guà tastèe... ma la vardura.

Sutta 'l festi da Natal
jan facc sù na pista-fina,
'n piassa granda a Varal
cume i fan su par Cortina,
sempri pina già 'd bun'ora
'd Varalin e gent da fôra.

E 'l neust Sindich, sempri attent,
par fèe 'n po' 'd pubblicità,
béli biütt, e tutt cuntent,
sal giornal in fin buttà,
c'al ciameva gent pruvèe
sa cull gèel a sgaruvèe...

I neust bravi cantuniè
anca al festi in s'al lavor,
in da còri avanti e 'ndrè
quant c'al ciama l'Assessòr,
che 'l vòl vugghi 'l neusti strai
bèn pulii e bèn lustrai.

An Consiglio straordinari
di elesiogn l'è 'l risultato,
par la Pro, nissun cuntrari
in dicc sì par al mandato.
Suma prunt e bèn decis
fèe gni bèl al neust pais.

Anca 'n Gesa an cambiament,
al neust prèvi in trasferì,
suma propriu mia cuntent
'dess che a Ruma l'è furnì.
E parè 'l post dal Tunin,
nu ghè n'aut, a l'è 'l Zaquin.

Ghè però na storia 'mara
e l'è 'l coro dla frassion,
cal po' più, l'è roba rara,
cantèe 'n gesa nt'la funsiun.
'Dess ca jeru costumai
da scutèelu festi e frai,
al neuf previ l'è na dighi
chi pon nèe caghèe nt'iurtighi.

Furtunà me 'n can an Gesa,
l'è n' amis intraprendent,
cl'è furnì la sua impresa
cun an volo sorprendent,
tuccant tèra cumè 'n mùn,
l'è fracassi 'n po' 'l filùn.

Giù da corsa a l'uspidal,
portlu an traumatologia,
"sior dutor, ma fa 'nco mal...
dèmi 'npò d'anestesia."
Par finii al neust Marietto
a l'è fassi an mes a.... letto.

Poc temp dopu 'nca 'l Vitun
par finii 'l presepiu 'n Gesa,
al strupeva giù 'n buscun
d'braciabosc che cun sorpresa,
sa sciapeva 'n mès dal pè
e lu feva nèe 'ndarè.

L'è nà svers an mès la stràa,
l'è picà par tèra al cù,
an toc d'oss l'è fin sciapàa,
d'an t'al lecc l'è bugià più.
Par deui mes l'è stacc a letto,
propriu 'l duppiu dal Marietto.

Dèe matai, guenta ca 's diga...
"Custa qui l'è propriu sfiga..."

E 'nca l'Aldo, raggiunier,
na seij dopu la partia,
o c'al gheva giù 'n bicer
o che propriu a sciarà mia,
nent giù a peij, dopu 'l Rünchett
l'è vulà... suta 'l mürett !.
'Dess, antant, par Carlavèe
'l gira seupp, e 'l fa ghignèe !.

An tutt ciò 'l ghè na mural:
"Bevè menu o vischè 'l ciar".

St'ann l'è facc na bèla istà,
cun gran caud, ma robi strani,
fin al feuch a l'è tacà
'l mes d'avost, darè dal Piani.

Par smurselu 'n mugiu 'd gent
l'è na 'n Colma o drè 'nti beuggi,
ma 'l bufeva 'n po' 'nc'al vent,
par la füm brusivu jeuggi.
E se 'nt'al nâs ta gniva cià,
ta mancheva fin al fià.

E 'l neust Pietro cun la lüm,
dinti 'n mes d'un gross braschèe,
'l cristuneva par la füm
ca lu feva più fièe.
...ma antant cumè nurmal
l'è viscà na "Nasiunal".

Elicoter, reuplani
chi sprisevu giù 'n po' d'ava
e i bagnevu stiss al Piani
'ntant che 'l feuch da suta 'l nava.
Noi, da 'n giù, vardevu sù...
... l'era mej che la tivù.

Vardè qui che bella canna
in cumprami par Natal
(al diéva al freel ad l'Anna)
la gà 'n tir eccesiunal !!
E par fèe dimustrasiun
ga dà 'n lancio du cui bèi
ma par colpa 'd l'emusiun?
la vâ a toic 'n ti turtèi...
Mural: basta mia ma cumprèla
guenta 'nca savei daurela.

L'era propriu la giornàa
(finalment l'era gnù l'ava)
par nèe degghi na pescàa,
sentii 'l creus cumè 'l cantava.
Che bel post, i ma ferm quì
'l pescadoo 'l butta la canna
an t'un attim sun furnì
e 'mpinis la meja cavagna.

Ma ga riva 'l guardiapesca
"porcu cà n' i'v tir jureggi
sol i soci i pon dèe l'esca
i sèi bun o no da leggi?"
An consiglio i vruma deti:
sal riservi va 'nfurmeti.

Trogn e losni, che fracass!
sempri cel 's anviara cà
quant cal riva giù al Sàss
'l ghè na machina 'n t'al prà
L'è na fumna splafunàa
ca ga ciama "Aitut buncor"
e ga dis 'n fularmàa:
"i pudriu fèe l'amor.."

Ma al fumni 'g piasu sani...
sa cumporta cun decoro...
par mia nèe ancò 'nt'al grani
a la mina giù 'nt'al Toro.

E i veui dii d'un caciadôo
d'esperienza e stagiunà
che dal predi 'l sent l'udôo
e ia màsa lì sut cà.
L'è mia mort, ga dis l'amis,
ga dàc mi n'auta tapàa,
i scumeutt i mei barbis
che la bes-cia l'è crepàa.
Ma 'l di dopu 'l seu galèt
l'era ardì 'ntal casunèt.

Sutta 'n cièl cargà da stèlli,
cun la luna runda e ciara,
s'tiru cià tutti 'l padèlli
la paniccìa sa 'nviara,
chi ca taja, chi ca ruga,
chi ca lava e chi ca suga.

Peui vèn l'ora d'la vardura,
cun nerveitt e cun custini
e la pasta na cert'ora
e tant feuch sutta 'l ramini.
Manca 'l prèvi e peui l'è a post
e si vrei ghè 'nca l'arost.

'Dess sta lienda l'è furnia
nevu 'n pas e cusì sia.

Civareu, 24 faurèe dal 2004.

